

Kelab Sosiologi dan Antropologi Sosial UMS anjur Ceramah Kepimpinan dan Keusahawanan

UB 7.3.2019 B2

KOTAKINABALU: Kelab Sosiologi dan Antropologi Sosial Universiti Malaysia Sabah (UMS) mengadakan Ceramah Kepimpinan dan Keusahawanan pada 20 Februari 2019 bermula jam 8.30 pagi hingga 11.30 pagi bertempat di Auditorium Perpustakaan, UMS.

Ceramah ini bertujuan memberikan pendedahan awal dan meluas

kepada mahasiswa/i, memantapkan lagi keyakinan dan keberanian mahasiswa mahasiswi serta mempertingkatkan tahap pengetahuan, kemahiran dan keupayaan pengurusan kepimpinan dan keusahawanan.

Program ini melibatkan seramai 60 orang pelajar dalam kalangan siswa/siswi dari program sosiologi dan

antropologi sosial, UMS.

Turut hadir dalam program itu adalah Ketua Bahagian Keusahawanan Ag. Nasip Yonus selaku penceramah jemputan dan Ketua Program Sosiologi dan Antropologi Sosial Ramlah Daud.

Program ini adalah julung kalinya dianjurkan oleh Kelab Sosiologi dan Antropologi Sosial, UMS

dan mendapat sambutan yang menggalakkan daripada peserta serta banyak soalan yang diajukan kepada penceramah jemputan.

Penceramah ini adalah antara penceramah yang hebat dan sering menggunakan ungkapan 'biar santai asal sampai'.

Ekoran itu, pelajar dilihat dapat menumpukan perhatian sepanjang program itu. Diharapkan program seperti ini dapat diadakan lagi pada masa akan datang untuk membuka mata mahasiswa dalam bidang kepimpinan dan keusahawanan.

Timbalan Naib Canselor (HEPA) Prof. Dr. Ismail Ali, menyeru kepada mahasiswa mahasiswi agar kerap mengadakan program seperti ini yang mana ianya amat bermanfaat kepada mereka yang berminat dalam bidang keusahawanan sebagai peneraju dan pemimpin akan datang.



SESI fotografi bersama pelajar dan penceramah jemputan.